

**3379. fundur bæjarráðs, haldinn í fundarherbergi 3. hæð, Stillholti 16-18,  
11. júlí 2019 og hófst hann kl. 08:15.**

**Fundinn sátu:**

Elsa Lára Arnardóttir formaður, Gerður Jóhanna Jóhannsdóttir varamaður, Rakei Óskarsdóttir aðalmaður, Ólafur Adolfsson varamaður, Guðný Jóna Ólafsdóttir verkefnastjóri og Sævar Freyr Þráinsson bæjarstjóri.

**Fundargerð ritaði:** Guðný J. Ólafsdóttir, verkefnastjóri.

**Fyrir tekið:**

**1. 1902024 - Ákvörðun Skipulagsstofnunar um umhverfismat vegbóta Vesturlandsvegur um Kjalarnes**

Bæjarráð bókaði á fundi sínum þann 27. júní sl. eftirfarandi bókun í tengslum við fyrirhugað umhverfismat á Vesturlandsvegi um Kjalarnes:

Skipulagsstofnun hefur tekið þá ákvörðun að breikkun Vesturlandsvegur um Kjalarnes skuli háð mati á umhverfisáhrifum. Samkvæmt frétt Morgunblaðsins frá 14. júní s.l. kemur fram að ákvörðun Skipulagsstofnunar geti tafið vegaf framkvæmdir á Vesturlandsvegi um Kjalarnes um að minnsta kosti ár í viðbót þar sem matsferli Skipulagsstofnunar feli í sér marga tímafreka þætti. Bæjaryfirvöld á Akranesi hafa marg oft ályktað um mikilvægi vegaf framkvæmda um Vesturlandsveg og vakið athygli á þeim lífshættulegu aðstæðum sem vegfarendum þar er boðið upp á. Því er mikilvægt að bæði Vegagerðin og Skipulagsstofnun tryggji að tafir verði sem minnstar á framkvæmdum vegbóta við Vesturlandsveg um Kjalarnes. Bæjarráð Akraness mun eins og áður halda áfram að fylgja þessu mikilvæga máli eftir og ítrekar að orð skuli standa. Akranesi, 27. júní 2019 Elsa Lára Arnardóttir (sign) Valgarður Lyngdal Jónsson (sign) Ólafur Adolfsson (sign)

Lögð eru fram drög lögmannna Akraneskaupstaðar að kærðu á ákvörðun Skipulagsstofnunar.

*Bæjarráð felur bæjarstjóra að kæra ákvörðun Skipulagsstofnunar um að breikkun Vesturlandsvegur í 2 plús 1 veg sé háð mati á umhverfisáhrifum. Framkvæmdir hefur afar jákvæð samfélagsleg áhrif vegna bættis umferðaröryggis og er ætlað að taka á lífshættulegum aðstæðum sem vegfarendum er boðið upp á sem óskiljanlegt er að ákvörðun Skipulagsstofnunar taki ekki mið af. Akranes og íbúar þess hafa lögvarinna hagsmuna að gæta þegar kemur að umferðaröryggi íbúa og að framkvæmdinni sé hraðað en Akraneskaupstað er umhugað um að ekki verði fleiri slys á umræddri leið.*

*Eftir að hafa fengið ráðgjöf lögmannna er það mat bæjarráðs Akraneskaupstaðar að ákvörðunin sé háð verulegum annmörkum, sé byggð á röngum forsendum og sé í ósamræmi við fyrri ákvarðanir Skipulagsstofnunar og beri að ógilda.*

*Ekki er um að ræða nýjan veg heldur breikkun vegarins í 2 plús 1 veg ásamt hliðarvegum, hringtorgum og göngu-, hjóla- og reiðstígum. Land sem raskast við framkvæmdina hefur þegar orðið fyrir röskun vegna þess vegar sem nú liggur um svæðið. Ákvörðunin byggir á langsóttri lögskýringu og ekki er lagaheimild fyrir ákvörðuninni.*

*Rökstuðning vantar fyrir ákvörðuninni þar sem vísun í tilskipun eða dómafordæmi skortir. Þau víðtæku áhrif sem ákvörðun Skipulagsstofnunar hefur og sú breyting á framkvæmd sem virðist fyrirhuguð hjá stofnuninni krefst þess að rökstuðningur sé skýr.*

*Verulegt ósamræmi er við fyrri ákvarðanir Skipulagsstofnunar um matskyldu sambærilegra framkvæmda og ef breyta ætti stjórnsýsluframkvæmd þá þurfi að rökstyðja það sem ekki er gert. Ósamræmi er við ákvarðanir Skipulagsstofnunar er varða t.d. endurbætur á Þingvallavegi, breytingar á Kjalvegi og breikkun Grindavíkurveggar. Óskiljanlegt er hvers vegna önnur sjónarmið eru látin ráða för við ákvörðun um matskyldu breikkunar Vesturlandsveggar.*

*Framkvæmdin hefur ekki í för með sér umtalsverð umhverfisáhrif og enginn umsagnaraðila Skipulagsstofnunar taldi að tilefni væri til að ráðast í mat á umhverfisáhrifum. Framkvæmdin liggur ekki um náttúruverndarsvæði, fer ekki um svæði sem njóta sérstakrar verndar, ekki er brotið nýtt land vegna framkvæmdarinnar og framkvæmdin hefur ekki áhrif á opin víðerni. Skipulagsstofnun sinni ekki rannsóknarskyldu sinni og sá ekki til þess að umfang framkvæmdar væri upplýst áður en ákvörðun var tekin.*

## **2. 1904204 - Uppfærsla á vélbúnaði símkerfis**

Á bæjarráðsfundi 26. apríl 2019 var neðangreint samþykkt:

Bæjarráð samþykkir kaup á vélbúnaði fyrir símkerfi Akraneskaupstaðar ásamt vinnu við uppsetningu búnaðarins að fjárhæð kr. 1.600.000. Útgjöldunum verður mætt af liðnum 20830-4660 en til ráðstöfunar þar er samtals kr. 10.188.000 að teknu tilliti til framangreindrar ráðstöfunar. Fjárhæðin skal færast á lið 21400-4660. Bæjarráð samþykkir jafnframt kostnað vegna leyfisgjalda símtækjanna samtals kr. 500.000. Útgjöldunum verður mætt af liðnum 20830-4995 en til ráðstöfunar þar er samtals kr. 13.807.400 að teknu tilliti til framangreindrar ráðstöfunar. Fjárhæð skal færast á lið 21400-4340.

Við úrvinnslu hefur komið í ljós að greiða þarf þrjú ár fyrirfram í stað eins árs fyrir leyfiskostnað símtækja. Óskað er eftir að útgjöldum að fjárhæð 1.100.000 verði mætt af liðnum 20830-4995 en til ráðstöfunar þar er samtals kr. 3.727.400 að teknu tilliti til framangreindrar ráðstöfunar. Fjárhæð skal færast á lið 21400-4340.

*Bæjarráð samþykkir erindið.*

## **3. 1905299 - Bíóhöllin - rekstur**

Útboðsgögn vegna reksturs Bíóhallarinnar lögð fram.

*Bæjarráð samþykkir framlögð útboðsgögn á rekstri Bíóhallarinnar og felur bæjarstjóra að vinna málið áfram.*

## **4. 1906217 - Þjónustupörf grunnskólanna 2019-2020**

Á Skóla- og frístundaráðsfundi 2. júlí var erindi Brekkubæjarskóla um aukna þjónustupörf vísað í bæjarráð til afgreiðslu.

*Elsa Lára vísar af fundi undir þessum lið.*

*Bæjarráð samþykkir erindið. Rakel Óskarsdóttir situr hjá við afgreiðslu málsins.*